



SELAMAT MENYAMBUT HARI KEMERDEKAAN KE-62



SEUNTAI KATA PEMBUKA BICARA

Assalamualaikum & Salam Sejahtera.

Syukur ke hadrat Illahi kerana dengan izin dan limpah kurniaNya kami berjaya menerbitkan e-buletin Edisi Khas Bulan Kemerdekaan ini. Saya mengambil kesempatan ini untuk mengucapkan ribuan terima kasih kepada semua yang terlibat dalam menyumbangkan idea dan karya-karya kreatif sempurna Hari Kemerdekaan Malaysia yang ke 62 ini. Semoga kita sama-sama dapat menghayati erti sebenar kemerdekaan dalam diri setiap individu. Sekian, terima kasih.

-Norshuhada Binti Samsudin



INFO HARI KEBANGSAAN 2019



- BERTEMAKAN
"SAYANGI
MALAYSIAKU :
MALAYSIA BERSIH"
- LOGO :



lanya membawa maksud warganegara Malaysia yang terdiri daripada berbilang bangsa hidup dalam kepelbagaian kaum, harmoni, seia sekata, bersatu padu dan terpahat perasaan kasih sayang yang kukuh kepada negara Malaysia. Malaysia bersih pula adalah lagu tema bagi sambutan tahun ini.

Logo Ciptaan Nik Zulkifli Nik Hitam menggambarkan symbol rakyat melakukan gerakan riang mengangkat tangan, dengan satu bentuk hati di hadapan menyatukan mereka.

MALAYSIA BERSIH
LAGU : MUHAMMAD YURI MOHAMED EDRIS
LIRIK : DATUK DR ANIS YUSAL YUSOFF

Harapan semua
Moga kita berjaya
Bagai negara
Yang kekal merdeka

Amanah bangsa
Kita pikul bersama
Jadikan Malaysia bahagia

Asal budaya kita
Budi pekerti indah
Amanah jujur
Amalan kita

Kini masanya
Sudah tiba
Untuk bina semula
Negara tercinta

Kita bina negara
Perangi rasuah
Kita satukan hati
Demi ibu pertiwi

Keutuhan jiwa
Membina nurani
Moga kita terus disanjung

Harapan semua
Moga kita berjaya
Sebagai negara yang kekal merdeka

Kini masanya
Sudah tiba
Untuk bina semula
Negara tercinta

Malaysia bersih
Harapan kita
Malaysia bersih
Harapan kita





KARYA-KARYA KREATIF SEMPERNA BULAN KEMERDEKAAN

Pantun Merdekakan Jiwa

Menjenguk mentari indah tertawa
Keluar unggas mencari bunga
Menjenguk keruh di dalam jiwa
Tanda harapan harus berbunga

Hidup si mawar mekar nan indah
Tidak disangkal umpama permata
Hidup ini terlalu berkah
Jangan ditengung hanya derita

Tiada berdahan pohon pegaga
Pasti mudah dipetik mereka
Jangan lelah menuntun raga
Pasti jiwa cekal merdeka

Diracik pandan bersama melati
Bangkit baunya dihujung desa
Jikalau rasa tersungkur sepi
Bangkitlah berpaut pada yang Esa

Raga penuh berisi sagu
Pasti tumpah andai terleka
Jiwa sudah pun bebas belunggu
Jangan dibendung akal merdeka

Nukilan : Siti Nurseena



MUTIARA KATA SEMPENA HARI KEMERDEKAAN 2019

"Apabila kita tak mampu memberikan yang terbaik kepada negara, agama mahupun keluarga. Maka tanamkanlah dengan sifat jujur, ambil tahu tentang masyarakat dan pada diri sendiri. Kerana tanpa sebuah kejujuran, negara mahupun isinya akan terasa rapuh dan pasti akan mudah kembali dijajah.



" MERDEKA!! MERDEKA!! MERDEKA!!



"Sakit dalam perjuangan itu hanya sementara. Namun jika menyerah, rasa sakit itu akan terasa selamanya, MERDEKA!"

~Sayangi Malaysiaku~

Nukilan: Fadzilawani Astifan Alias 2019



SAJAK

Merdekakah Kita?

Merdekakah Kita?

*62 tahun dah merdeka,
Sampai bila nak orang fikirkan untuk kita,
Cara kerja masih tak ke mana,
Macam melepaskan batuk di tangga,
Buat kerja pun copy and paste saja,
Lepas tu claim kata kita punya,
Siap kerja cepat tapi tak sempurna,
Hasil kerja tiada analisa,
Bagi alasan tiada masa,
Kalau membawang ada masa,
Facebook, whatsapp, instagram sahabat karib kita,
Sehari tak mengadap, gelisah tak tau nak kata,
Rasuah di sini sana tak kisah dosa,
Asal duit masyuk aku boleh kaya,
Jika ditegur, memanjang tak kena,
Baginya, yang betul tu dia saja,
Sampai bila kita nak berjaya?
Berjaya dari jerih perit usaha,
Gagal bangun gagal bangun semula,
Zaman sekarang banyak cabarannya,
Tua muda semua kena bekerjasama,
Usah membeza umur, bangsa dan agama,
Jadikan sejarah lalu sebagai penanda,
Penanda untuk bangun, jaya dan mara,
Marilah memacu negara di persada,
Mencapai minda bertaraf antarabangsa,
Setanding kuasa besar dunia,
Agar bangsa kita gagah dan perkasa,
Digeruni oleh semua bangsa,
Jadikan Ugama panduan kita,
Semoga ada berkatnya,
Harapan Malaysia disegani Dunia,
Walaupun kecil tapi berbisa,
Kecil cili padi, pedasnya bak lava,
Mana tau jadi kuasa besar dunia,
Baru mereka tau siapa kita,
Tak pandang kita dengan sebelah mata.
Dunia bangga kita orang Malaysia.
Merdekakah Kita?*



Hasil Nukilan : Jamal Othman



Pantun "Kita Anak Merdeka"

Cantik manis anak dara Kak Ros
Manis senyuman bak gula melaka
Menjelang tiba 31 Ogos
Tarikh keramat Malaysia Merdeka

Ikan tenggiri dimasak cuka
Makan di bawah pokok rumbia
62 tahun sudah Malaysia merdeka
Rakyat hidup aman dan bahagia

Hujung minggu ke Bukit Bendera
Pergi bersama anak Pak Ajis
Satu bangsa satu negara
Jangan kita bersikap rasis



Dari Perlis ke Putrajaya
Singgah sebentar di Pulau Langkawi
Rakyat Malaysia berbilang bangsa
Melayu, Cina, India sama-sama bersatu hati



Makan jambu batu di RNR Tapah
Kenyang perut terus ke Melaka
Menuntut kemerdekaan bukanlah mudah,
Hargailah jasa pejuang Merdeka

Pantun ke-6 pantun terakhir
Harap terhibur tersemat di hati
Semangat patriotik jangan berakhir
Semoga lambang Merdeka memahat erti

Nukilan : Fuziatul Norsyiha Ahmad Shukri



© Unit Penulisan dan Penerbitan JSKM

Hak Cipta Terpelihara. Tidak dibenarkan mengeluarkan mana-mana bahagian, artikel dan isi kandungan yang terdapat dalam e-buletin ini dalam apa jua bentuk atau cara samada secara elektronik, fotokopi, mekanik, rakaman atau cara lain sebelum mendapat kebenaran bertulis dari :

Unit Penulisan dan Penerbitan JSKM
UiTM Cawangan Pulau Pinang.

eISBN 978-967-0841-61-8



9 789670 841618